

宋

會

要

汴河

宋會要

諸河

汴河廣濟河惠民河金水河白溝河東南諸水

太祖建隆三年六月宋州上言寧陵縣河溢堤決詔發  
宋毫丁夫四千五百人分遣使臣護役命西上閤門使  
郭守文總其事又發丁夫三千三百人塞汴口以息水  
勢命判四方館事梁迥董之四年八月又決于宋城縣  
以本州諸縣丁夫二千五百人塞之命八作使郝守濬  
護其役雍熙二年六月汴又決于宋州宋城縣發近縣  
丁夫二千人塞之判四方館周瑩八作使郝守濬護其  
役知州工部郎中劉甫英護堤不謹青濮州防禦副使  
郭大巡河作坊副使劉降吉西頭供奉官至道二年六  
月河決穀熟縣遣御前忠佐軍頭劉能乘急通船往修

塞之真宗景德元年七月以水部郎中三門發遣使許  
玄豹兼河陰兵馬都監知縣事河陰汴口每歲均師水  
勢以濟江淮漕運玄豹上書自言皆知利害願兼領以  
自効故命之自是河陰常命知水事者為都監其後宋  
雄以鴻臚亦為之三年六月汴水暴漲詔宣政使李神  
祐東上閤門使曹利用馬軍副都指揮使曹瑋步軍副  
都指揮使王隱巡護隄帝曰昨晚覘候水勢京城東去  
窰務約四五十步水不溢岸者五寸至一丈西染院側  
水溢壞屋賴外堤防遏遂令併工修補增起堤岸自今  
凡檢計似此怯弱處倍加工料翌日乘步輦幸西水門  
觀汴水問工作兵士賜錢人一千又幸東染院召從官

賜茶是日應天府亦言汴決南隄流亳州合浪宕河東  
入于淮即遣閤門祇候胡守節馳往河陰督兵馬監錢  
昭晟塞汴口劾罪貶秩又內園使李神佑馳往應天固  
護決隄所物料三司自京津遣不得科配差擾入遣入  
內高班韓從政本州不該修河官檢行經水冢口給米  
三斗避水隔在高阜者以船搬去隨便安泊不願離者  
聽自便闕食者據口給糧死無主者及貧不能掩殮者  
為殯埋災傷之民倍加安撫七月遣屯田員外郎直昭  
文館尹少連祭汴口自汴決遂壅汴口減水勢築堤至  
是畢工後開導之故祭焉四年七月詔汴堤商旅以牛  
驢挽舟者所在官司勿禁止之大中祥符元年正月侍

衛步軍司言浚汴河差人巡欄請給器械帝曰約欄丁夫何用器械今樞密召諭不得毆擊三年正月罷汴河沿隄巡檢內臣其緣開汴功料即分定地權差內臣檢校六月以汴水淺澁遣知制誥孫奭祭汴口既而雨澤水漲公私無滯四年正月詔河南府孟鄭州所發浚汴口役夫今年夏稅止輸本處十月白波發運判官史瑩言朝建歲計汴口頗費工料蓋地多砂磧轉移不定臣久曾相度乃尋古碑誌請於汜水孤柏嶺下緣南岸山趾開疊汴口必可久遠水勢均調帝曰河流轉徙今古不同朕詳所奏及圖所開口處地形甚高若河勢正注而來下面分泄不及即溢流為害亦可慮也然瑩論列

頗堅可并圖付汴口楊守遵令同守遵言若開之功力  
浩瀚河水猛大難以枚牾瑩復指陳守遵為已邀功乞  
別委官經度又令內侍都知閻承翰言今河流併依南  
岸若就開汴口取河東注至于京師亦可憂慮且請於  
下流開減水四道以防氾溢從之遂罷瑩請瑩所上碑  
誌云正觀中又皇帝降洛州長史李傑大開具舊制牾  
堰鑿山山有堅壞隨山導水水無激湍連堤以布具捷  
用決清浪醜河以延其清用鐵舟楫巨浸不入餘波常  
通以濟大川利有攸往故無顛覆之憂雖夏潦暴興濟  
沙洎至深尤過厲濬未勞人可為萬代之軌也有或人  
者止言此之溝洫無異消涔一葦則浮巨艦則膠乃特

起渠口寔丁河衝琢石為門剡木為閣壯麗極矣才力  
殫矣始有曰流苟洒矣少有曰灘自埋矣奚道之廣費  
而塞之適迫陽侯何情役夫匪知貪識其鄙孰彰其事  
皇帝與天合契登岱勒崇已遇堯功尤勞禹跡恤人之  
隱若已納隍念彼方割疇咨俾又始命范公往兼之范  
公承舜明命委垂共工詳改作之殊宜請仍舊而為美  
已而詔公為開鑿使使左驍衛中郎將張瑛介焉於是  
召水工雷地勢調閱五州數萬之卒部勒羣吏千夫之  
長䟽疆畫分荷鍤如雲畚之絲郵之汙人百其力畢鼓  
弗闕平塘成滄夷岸成堤植以柳杞揭以杠梁便道而  
行應務斯畢開元十五年二月二十五日建五年閏十

月帝曰汴河有灣曲灘淺溺甚多蓋開浚之際只依檢到功科檢計之際入河水益覆不見合施功處自今須先塞上流盡河槽內水方行檢計仍差莊宅副使王承祐入內殿頭楊懷古領其事八年六月詔自今開汴口預選日奏聞當遣官祭告是月詔自今後汴水添漲及七尺五寸即遣禁兵三千沿河防護時差兵士護河太速故也因詔自今遣內臣分掌京城門鏢如盛漲防河兵士即開點閱放過七月命知制誥劉筠秉傳祭汴口以河流阻澁故也八月太常少卿馬尤方請浚汴河中流闊五大深五尺可省修堤之費即詔供奉官閤門祇候韋繼昇計度修浚繼昇言上泗洲西至開封府界岸



閼底平水勢薄不假開浚請止自泗洲夾岡用功八十  
六萬五千四百二十人以宿亳丁夫充計減功七百三  
十一萬仍請於汳河作頭踏道擗岸其淺處為鋸牙以  
束水勢使其浚成河道止用河清下卸卒就未放春水  
前令逐州長吏令佐督役自今汳河淤澱可三五年一  
浚又於中牟滎澤縣各開減水河並從之仍命繼昇都  
大巡護及修浚畢明年繼昇表請罷修河一年可省物  
力帝曰惜得夫役誠好必然不為民患否繼昇極言其  
利帝曰當更遣人相度異日河決雖罪言者亦無益事  
天禧元年正月都大巡檢汳河堤岸韋繼昇長君平言  
汳河逐年栽種榆柳並於人戶科配栽種失時少有青

迄近年增敷張常達勅巡捕作畦收榆莢種蒔於閑隙  
地內栽種欲望自今在任三年如能沿河於閑地栽種  
柳五萬株已上青活委新官點檢交割州府保明聞奏  
令佐免選與家便官使臣免短使京朝官知縣優與親  
民具在任官每一年栽種二萬株亦與依前項處分詔  
緣汴河州軍管勾河堤京朝官使臣令佐等任滿如委  
栽種及五萬株已上青活河堤別無疎虞新官點檢交  
割取本州府官吏保明以聞仍自齎赴闕於中書樞密  
院通下候看詳應條京朝官使臣與免短使家便差遣  
令佐免選如不應條不及數顯有情倖干繫官吏重行  
朝典九月詔曰瞻彼京師寔通汴水是四海會同之處

念一夫覆溺之憂俾設巡防合行拯救苟失性命深用  
憫傷爰形勤賞之文式表好生之旨應沿汴河州縣有  
誤墜河之人委本界巡檢及習水人等晝時救接如溺  
者家願出錢與拯濟之人者聽或救接得貧闕人即以  
官錢給賜二年六月汴水漲九尺遣臣詣萬勝梁固斗  
門諭勾當使臣均調水勢無致泛溢八月遣開封府推  
官周好問與八作推岸司檢汴堤毀官司廬舍計工料  
修疊凡工二百四萬時開封府言民屋低下岸多擁圯  
故也仁宗天聖三年八月以汴水淺澁遣使祭汴口四  
年七月樞密院言汴水漲堤危急欲令八作司相度京  
城西決洩入護龍河以減水勢從之遂於賈陂開決疊

水口畢賜役兵緡錢慶曆六年十二月八日勾當汴口  
張從一張滋言三年水勢調均詔從一轉西上閘門副  
使滋遷西京作坊皇祐二年八月命開封府判官張中  
庸往中年縣修築汴河堤岸三年九月詔緣汴河商稅  
務毋得苛留公私舟船又詔三司河渠司每年一開浚  
之嘉祐二年六月詔以真宗皇帝御製頌願文刻石於  
汴口靈津廟六年閏八月六月同判水監楊佐官據汴  
口檢計功役八萬三百一十一工具到功畢尅日取放  
水勢詔汴口見攸人貢兵士並等特支英宗治平二年  
七月詔以狹汴河賞官吏有差初嘉祐六年以汴河久  
不浚河久不浚詔命都水監與淮南江浙荆湖制發運

使李肅之祖度利害都水監察汴河自泗洲以上至南京水道直流駛不復湏治自南京以上至汴口水闊散漫以故多淺欲乞自南京都門三百里修狹河水岸扼束水勢令深駛俟三五年見次第即復修汴口至京東水門外所用椿梢止伐岸木為之可足詔從之而以岸木不足又募民出雜稍度以為僧凡用稍椿竹索三百八十四萬二百役工百八十六兩四千為岸三萬一千四百步自祖宗時固已嘗狹河其後久不復狹方興是役論者紛然以為不利及成人乃使之以以上國朝會要神宗熙寧六年六月十二日上批汴水比忽減落中河絕流其窪下處才餘一二尺許訪聞下流公私重船初

不預知款水淤田時日以故減剝不及類皆閘折損壞  
致留滯久人情不安可令都水應千官司分析上下三  
司委差官同府舉提點司自京抵陳留具有無損壞舟  
船比較累年所壞數以聞後提點吳審禮等言檢視舟  
船初損壞者十一月七日中書門下言權判將作監范  
子奇乞不開汴口造木柵截口或打撥大河浮凌不入  
常使水勢通流外江網運直入汴至京公私利便經久  
委實可行淮南江浙荆湖都大制置發運司乞再展十  
日閉口詔汴口相度既而乞依范子奇所請差人打撥  
凌牌及就汴口造木柵欄截浮凌從之舊制汴口啓閉  
有時至是遂不開之會高麗入貢因令汴流而上七年

八月二十一日同判都水監宋昌言李立之丞王令圖  
言汴口已生雜灘秋冬之交必稍退背乞權開汴口使  
水涸增修堤岸斗門畢再相度同判都水監候叔獻丞  
劉璿乞不開汴口於孔固斗門下權作截河堰使水入  
都門候修堤岸畢即開堰詔如叔獻等所請八年二月  
二十四日同管勾水都水監丞程昉等言嘗以以京西  
三十六陂為塘蓄水汴漕運其陂內民因欲先差官量  
項畝依數撥還或給價錢又采買材木遙遠清汴歸欲  
作三二年修仍乞選知河事臣僚再按視措置詔翰林  
侍讀學士陳繹入內都知張茂則與昉等覆視以聞其  
後繹等言水源足用清汴有可以必成理六月十六日

都水監言汴蔡兩河就丁字河置牐通漕從之時有詔  
糴西京米赴河北封樁患蔡河舟運不能達河北故水  
官候叔獻劉瓚建議汴河可因故道鑿堤置牐引汴水  
入蔡河十二月二十六日都水監言孫賈斗門之西汴  
河北岸共八處可置虛堤滲水入西賈陂並於由司欄  
水堤開河一道引水透入減水河下注務澤陂為五犬  
河上源乞差楊琰管勾修置陳祐提舉從之九年正月  
二十八日中書門下言今安南營器械什物發付潭州  
欲令都水監早開汴水從之十年二月十三日詔春候  
已深無甚寒凍高麗進奉使非久離京汴口可令都水  
監於元擬日前促五七日六月二十八日范子淵言今



月十八日興工濬汴九月二十六日權判都水監俞充等言勘會汴口取黃河水經由京師應副東南漕運久來選任能吏增置兵力廣聚物料以為緩急之備後多裁減事難濟辦合具申請一汴口久來差大使臣二員內或一小使臣一員勾當並兼京西都大巡檢汴河堤岸賊盜斗門近歲兼管勾洪田仍一員官高者同河陰縣兵馬都監以便緩急差借河陰縣教兵士昨因裁減日差小使臣二員改作勾當汴口管勾京師汴河堤岸斗門淤田況勾當汴口使臣所管地方自京城西至汴口一百里事責重於京東都大堤舉權輕任畢難為集事欲乞差諳曉河事大使臣一員仍留見在小使臣一員

勾當汴口並兼京西都大巡檢汴河堤岸賊盜斗門管  
勾淤田內大使臣仍同河陰縣兵馬都監其替罷小使  
臣却與河上一等差遣不為遺闕一河陰管城縣等汭  
夾河巡檢自汴口至趙橋地分約五十里并河陰縣雄  
武埽黃河巡河舊有使二員通管近減罷令勾當汴口  
使臣兼行管勾緣勾當汴口使臣常湏在本口調勻水  
勢豈可更令兼管夾河巡檢公事欲乞比舊裁減一員  
只差小使臣一員自汴口至趙橋汭汴夾河巡檢專切  
修護堤岸兼河陰縣武埽巡河乞奉監選舉一京西都  
大巡河司及汴口舊管部役使臣四員內差使臣管押  
人船般運鞏縣山灘柴草二員專管勾汴口上下約堤

埽外有一員諸處部役近裁減都大司部役只留汴口  
二員全然闕人欲乞依舊添差部役使臣二員從本選  
舉一汴口舊管河清三指揮廣濟平塞各一指揮並以  
八百人為額計四千人昨減併平塞并河清地三兩指  
揮欲乞只將見管河清廣濟三指揮並依添作八百人  
為額擬見少人數乞下外都水監丞司於北京以下埽  
分割移河清人兵千人赴汴口填配餘數即令招填比  
舊亦減一千六百餘人一汴口官吏務減調勻水勢固  
護堤埽近經裁減賞格却以減省工料為重調勻水勢  
為輕官吏務減省工料不顧水勢以致汴水多不調勻  
阻節行運欲今後汴口官吏任滿減省工料雖應賞格

仍須埽岸斗門無虞水勢調勻不阻行運方與酬獎凡  
諸勾當汴口兼管雄武埽官責任滿埽岸斗門無虞調  
勻水勢不阻行運方有賞格並從之十月十七日提舉  
修開決口所乞尋差內臣於斷河內門處打斷欄水堤  
不得放水東流從之續詔凡取借什物動使家事等並  
計不依常計及所舉受納管勻等文武官共不得過二  
十人元豐元年三月二日詔都水監調撥汴口水勢通  
接淮汴行運其曹村決口水雖已還故道三日一具疏  
濬次第以聞六月十五日權都水監丞范子淵言乞於  
汜水鎮北門導洛水入汴為清汴通漕以省開門汴口  
功費詔候來年取旨十月七日權都水監丞范子淵言

自來前冬至二十日閉汴口今歲閏月較之常年已是  
深冬慮大河凌牌為患乞先期閉口詔聽前至日半月  
十一月四日都水監言乞下京西夫夫一萬赴汴河口  
限一月開修河道詔止差七千人十二月六日知都水  
監丞范子淵言奉詔相視導洛通汴今自河陰縣西十  
里登河處步量至洛口地形西高東下可以行水乞差  
知水事臣僚再按視詔遣史館修撰直學士院安燾入  
內都知張茂則二年二月二十一日詔入內東頭供奉  
官宋用臣及河水未通毋俟盧秉押未運到京先往按  
視導洛通汴利害以聞三月十三日詔發壯役兵二千  
京東路廂軍一千瀆州修城揀中崇勝兵五指揮並

赴洛口工役二十一日詔入內東頭供奉官宋用臣都  
大提舉導洛通汴前差盧秉罷勿遣初去年五月西頭  
供奉官張從惠言汴河口歲歲閉塞入修堤防勞費一  
歲通漕纔二百餘日往時教有入建議引洛水入汴患  
黃河壅廣武山須鑿山嶺十五丈至十丈以通汴渠功  
大不可為自去年七月黃河暴漲異於常年水落而河  
稍北去距廣武山麓有七里遠者退灘高闊可鑿為渠  
引落水入汴為萬世之利知孟州河陰縣鄭信亦以為  
言時范子淵知都水監丞畫十利以獻歲省開塞汴口  
工費一也黃河不注京城省防河勞費二也汴堤無衝  
決之虞三也舟無檣射覆溺之憂四也人命無非橫損

失五也四時通漕六也京洛與東南百貨交通七也歲  
免河水不應妨阻漕運八也江淮漕船免為舟卒鐫鑿  
沈溺以盜取官物又可減汴流牽挽人夫九也汭汴巡  
河使臣兵卒新捷皆可裁省十也又言汭水出玉仙山  
索水出嵩渚山亦可引以入汴合三水積其廣深得二  
千一百三十六尺視今淮流尚贏九百七十四尺以河  
湍緩不同得其贏餘可以相補猶懼不足則勞堤為塘  
滲取河水每百里置木牌一以限水勢堤兩旁溝湖陂  
濬皆可引以為助禁伊洛上源私取水者大約汴舟重  
載入水不過四尺今深五尺可濟漕運起鞏縣神尾山  
至任家堤四十七里以捍大河起沙谷至河陰縣十里

店穿渠五十二里引洛水屬于汴渠總計用工三百五十七萬有奇疏奏上重其事是年冬遣直學士阮安煮入內都知張茂則行視正月肅等還奏索水在汴口下四十里不可引洛汜二水積其廣深纔得二百六十餘尺不足用滲水塘引入大河緩則填淤急則衝決洛水唯西可分引入城下流連歸洛河禁之無益置牌恐地勢高下不齊不能限節水勢黃河距廣武山有纔一二里者又方向著南岸退灘堅土不及二分沙居十之八若於其開鑿河築堤至夏洛水內溢大河外漲有腹背之患新堤一決新河勢必填淤則三百餘萬工皆為無用又子淵建此本欲省汴口歲歲勞費今則埽堤水漣



之類歲計恐不啻一汴口之費而又有不可保之慮雖然財力在人猶可為之唯是水源不足則人力不可彊致蓋伊洛山河盛夏雖患有餘過此常苦不足疑謀勿成唯陛下裁之上以子淵計畫有未善者乃命用臣經度以楊琰往至是用臣還奏可為請自任村沙谷口至汴口開河五十里引伊洛水入汴每二十里置束水一以芻槎為之以節湍急之勢取水深一丈以通漕運引古索河為源注房家黃家孟王陂及三十六陂高仰處瀦水為塘以備洛水不足則決以入河又自汜水闕北開河五百五十步屬于黃河上下置牌啟閉以通黃汴二河舩筏節洛河舊口置水達通黃河以泄伊洛暴漲

之水古索河等暴漲即以魏樓漿澤孔固三斗門泄之計用工九十萬七千有餘又乞責子淵修護黃河南堤埽以防侵奪新河詔如用臣策故有是命二十三日詔近已差宋用臣都大提舉導洛通汴司可令范子淵俟修黃河南岸畢留卒二千給用臣工役仍令轉運副使李南公專應副河南府都巡檢一人往洛口編欄用臣支賜依所寄諸司使給四月十二日詔司農寺出坊場錢十萬緡賜導洛通汴司增給吏兵食錢內以二萬緡給范子淵為固護黃河南岸薪芻之費十七日詔導洛通汴用是日甲子興工遣禮官祭告如河道侵民冢墓量給錢令遷避無主者官為瘞之六月四日賜導洛通

汴司開河築堤役兵特支錢十七日提舉導洛通汴司  
言清汴成四月甲子起兵役六月戊申畢工凡四百五  
日自任村沙谷至河陰縣危亭子并汜水關北通黃河  
接運河長五十一里河兩岸為堤總長一百三里河所  
占官私地二十九頃已引洛水入新口斗門通流入汴  
候水調均可塞汴口乞徙汴口官吏河清指揮於新開  
洛口徙之二十二日詔應道洛通汴事令宋用臣主管  
一年如洛水通快委范子淵開黃河水口其汭汴淤田  
既非濁水可並開塞併水東下接應江淮漕運七月二  
日詔汴口開斷黃河水遣禮官致祭以都水監丞范子  
淵言前月甲子已塞汴口故也同日詔導洛水入汴已

通漕嚮綠河水湍怒網運阻難增置河堤使臣河清軍  
士技頭水手解舍營房請受水脚工錢及汴口每年開  
開物料兵夫之費自可裁損令轉運使盧秉條析以聞  
五月都大提舉導洛通汴司言洛河清水入汴已成河  
道疏濬司依舊攬起沙泥却致填淤乞權罷疏濬從之  
八月十三日上批導洛水入汴及治堤岸捍河悉有成  
績可令宋用臣范子淵具總事効力官吏第賞同日御  
史何正臣言近彈奏安燾張茂則驗履導洛通汴利害  
不當切聞詔候來年歲運了日取旨以臣所聞則自不  
須如此燾等以為盛夏洛水外溢大河內漲新淤沙堤  
當二水腹背交攻之患其勢未易支梧今既秋矣二水

交攻之患固未嘗有素等又以為洛水盛夏暴漲甚於大河雖盛夏亦有乾淺之時自今夏秋以來蓋亦屢雨而河未嘗漲亦有經旬不雨而水未嘗乾舟行往來晝夜不輟安俟考察而後見乎伏望重行誅罰詔素茂則各罰銅二十斤九月二日知都水監丞尚書主客郎中范子淵為金部郎中陞一任同判都水監入內東頭供奉官寄禮賓使遙郡刺史宋用臣為寄六宅使遙郡團練使給寄資全俸入內東頭供奉官董嘉言右班殿直楊琰各進兩官琰兼閣門祇候入內東頭供奉官王修己等三十七人各進一官優者減磨勘四年或指射差遣人循兩資者五十六人遷一資者八十一人仍等第

賜錢上批以予淵用臣首議導洛入汴及築堤捍河悉  
有成績故優獎之餘皆董役有勞也十月四日都大堤  
舉導洛通汴司言汴河網船久例附載商貨入京致重  
船留阻兼私載物重四百斤以上已抵重刑今落水汴  
不至湍猛欲自今商貨至泗州官置場堆垛不許諸網  
附載本司置船運載至京令輸船腳錢從之十二月二  
十九日詔范子淵減磨勘二年餘推恩有差以疏濬汴  
河有勞也三年正月一日府界第六將言差襄邑縣防  
河兵闕二百餘人已添差訖上批令汴流京岸止深八  
尺五寸應接內東重網方得濟辦若便差人防護則無  
時可以放散况今水流調緩不須遇為支梧詔提點司

相度據彼處堤岸去水所餘尺寸更行增長方聽上河  
二月十二日都大提舉導洛通汴宋用臣言洛水入汴  
至淮河道甚有闊處水行散漫故多浸溢乞計功料修  
狹河從之後用臣上狹河六百里為二十一萬六千步  
當用稍樁詔給坊場錢二十萬緡仍伐並河林木四月  
十七日都大提舉導洛通汴司言所脛河道欲留水面  
闊八十尺以上東水水面闊四十五尺詔脛河處留水  
面闊百尺二十八日詔非導洛司船輒載商人私物入  
汴者雖經場務投稅並許入告罪賞依私載法即服食  
需用日費非販易者勿禁官船附載發箔柴草竹木亦  
聽仍責巡河催綱巡檢都監司覺察從宋用臣請也五

五月一日江淮等路發運司言導洛通汴司已修脛河道更不置草屯浮堰從之時以汴水淺澁發運司請積為堰雍水通漕舟至是復自請罷二十一日權江淮發運副使盧秉言黃河入汴水勢湍激網船破人數多今清汴安緩理宜裁減欲令六百料重船上水減一人下水減二人空船上水減二人下水減三人餘以差減從之二十二日改都大提舉導洛通汴司為都提舉汴河堤岸司六月十三日都提舉汴河堤岸司乞禁商人以竹木為牌筏入汴販易從之十五日權判都水監張唐明請復黃河諸河歲差河客軍九千人額從之二十四日參知政事章惇上導洛通汴記詔以元豐導洛記為



刻石於洛口廟十月四日都水監言奉旨改導洛通汴  
司作都提舉汴河堤岸司其應係汴河公事乞令一面  
主管稅之五年三月十八日提舉汴河堤岸宋用臣言  
面奉旨金水河透水槽阻礙上下汴舟令臣相度措置  
其舊透槽可廢撤稅之詳河見金十二月二日詔發運司  
糶糶斛斗鄭倌減磨勘三年前西頭供奉官除名勒停  
黃州編管人張從惠減一赦叙並以嘗幹當汴口建議  
導洛入汴續議賞也二十日都提舉汴河堤岸司言準  
朝旨為原武埽閉合水口見增防堰令本司權閉斷魏  
樓孔固滎澤斗門五七日自閉合三斗門汴水增長今  
自開遠門浮橋以上凌排查塞水欲抹岸望速降指揮

開撥汴斗門及乞於京西向上汴河兩岸相度可櫃  
水處即決堤分減水勢詔知實危急即依所奏六年閏  
六月十二日步軍副都指揮使劉永年言汴水漲及一  
丈三尺法許追正防河兵二十八指揮自西窯務列兩  
岸至東窯務如漲水一丈三尺二寸更追準備一千人  
臣切以京闕防河事體至重乞自今遇水大漲或淫雨  
不已令都巡地分如救火法於近便增發三兩指揮不  
足即指所轄軍分奏差支賜約束並依防河兵徙之八  
月二十八日都水使者范子淵言導洛通汴將及五年  
昨興役之初大河北徙距清汴遠列為堤埽以障游波  
臣今相視水勢大河有可徙之理及上塞河兵夫物料

數詔子淵詳度徙南岸漸進鋸牙約水勢入新河具合  
行事以聞已而子淵於於武濟山麓至河岸并嫩灘止  
修堤及壓埽堤并新河南岸築新堤計役兵六千人限  
二百日成開展直河長六十三里廣一百尺深一丈計  
役兵四萬七千有奇限三十日成合費稍草竹為錢一  
十七萬緡有奇徙之哲宗元祐元年正月十四日中書  
省言點厯得宋用臣導洛通汴并京城所出納違法等  
事詔宋用臣降授皇城使添監滁州酒稅其根究錢物  
未明事送戶部給絕仍令本部具合措置事件聞奏紹  
聖四事五月二十二日都大提舉汴河堤岸賈種民言  
元豐年導洛通汴改汴口為洛口止係通放洛河清

水名汴河為清汴水勢淺澁即益以櫃內清水自元祐  
年於黃河撥口分引渾水令自澧上通放洛水仍置洛  
斗門從之元符元年四月二十二日工部言請復置提  
舉汴河堤岸司乞應緣河事經畫奏請等事並須關報  
本部從之徽宗政和年六月四日詔汴河水大段淺澁  
有妨網運今並從熙差八前去洛口調節水勢須管常  
及一大不得有妨漕運宣和元年七月九日中書省言  
都提舉汴河堤岸司言近因野人衝抹汳汴堤岸及河  
道於淺去處功料不少若止役河清即功不勝欲乞本  
司出備錢物專委本路漕臣賈諱李祐候將來農隙和  
雇人夫應副開修遂具奏聞從之續會要朝光堯皇帝

建炎元年五月二十三日詔都水監官各降三官都水使者陳求道降五官湏管修治汴水一切了畢方許入城令留守司覺察及日具修閑次第申奏差水部員外郎丁彬催促修補如監官及都大巡河部役官吏等弛慢不識之人從彬一面牒送所屬取勘具案申奏仍令都水監限一日開具合降官職位姓名申尚書省先因河口決壞汴水堙塞網運不通於是差都水使者陳求道前去修治求道申十五日巳星夜前去至十七日方始出門臣寮論列故有是詔命三年四月十日詔訪聞東京軍民等久闕糧食雖已降指揮撥發斛斛上京緣汴水未通有妨行運仰杜充限指揮到日立便差委詣

曉河防官及剗刷人兵和雇人夫限十日須管修治口岸使汴水通流無致礙滯仍於在京不<sub>以</sub>是何官錢內支撥五萬貫應副修開支用如限內修治了當令杜充具名聞奏當議優與推恩<sub>此以門上</sub>中興會要既道會要無

宋會要

廣濟河

自郡城歷曹濟及鄆其廣五丈河開寶六年改今名

太祖建隆三年三月控鶴石廂都指揮使尹勲責為許州教練使殿直周令謙決杖配隸鄭州坐護役夫浚五丈河有避役逃者輒械七十人專殺十二人有詣闕稱寃者故責之太祖素愛勲勇欲貸之會兵部尚書李濟抗疏極言以國家法令可惜遂特行之乾德三年京師引五丈河造西水碓募諸軍子弟數千人以八作使趙遵領其役碓成車駕臨視賜役夫緡錢仁宗天聖六年七月駕部員外郎閻貽慶言五丈河下接濟州合蔡鎮梁山樂至鄆州久來舟運自河決淤昧合蔡而下漫散不勝舟渰毀民田請仍舊撥五丈河入夾黃河因詔

貽慶與勾當海河李守忠京東轉運使規度檢計具功  
料開奏神宗熙寧九年三月二十四日詔廣濟河元額  
歲漕京東斛斗宜速委官修元壩開元豐五年二月  
十一日詔罷廣濟河輦運司及京北排岸司移上供物  
于淮陽軍界計置入汴以清河輦運司為名差朝奉郎  
張士澄都大提舉先是京東路轉運司言廣濟河用無  
山源防水常置清河以通漕運歲上供六十三萬石開  
一歲旱底著不行欲移人舡于淮陽軍界上吳鎮下清  
河及南京穀熟寧陵會寧臨汴水共為倉三百楹從本  
司計置七十萬石上供置輦運司隸轉運司歲減舡三  
百五十兵工二千七百綱官典三十三使臣十一為錢



八萬二千緡下提點刑獄司按寔以為如轉運司言京  
北排岸司沿廣濟河置故并罷之七月二十一日御史  
王桓言昨發廣濟河輦運自清河轉淮汴入京臣每見  
累官京東博知利害者詢之皆以為未使如廣濟安流  
而上與清河沂流入汴遠近險易較然有殊望更體量  
詔令轉運提點刑獄提舉輦運司以舊廣濟河并令清  
河行運比較利害 七年八月十九日才提舉汴河堤  
岸司言廣濟河下接逐處但以水淺不能通舟今欲于  
通津門裏汴河岸東城裏三十步內開河一道下通廣  
濟接行運從之先是都大提舉清河輦運司乞以舊廣  
清河并清河行運詔令工部相度可與不可應接廣濟

河行運至是乃從掃岸司之請 哲宗元祐元年三月  
十九日三省言廣濟河輦運昨因李察等言廢罷改置  
清河輦運顯是迂遠詔和棣州王諤措置興復十二月  
二十二日詔廣濟河都大管勾催造輦運三十月為任

宋會要 惠民河

與蔡河一水即閔河也建隆元年始命右領軍衛將軍  
陳承昭督丁夫導閔水自新鄭與蔡水合貫京師南歷  
陳顥達壽春以通淮右舟楫相繼商賈畢至都下利之  
于是以西南為閔河東南為蔡河至開寶六年三月始  
改閔河為惠民河太祖建隆元年四月命中使浚蔡河  
設斗門節水自京距通許鎮二年發畿甸陳許丁夫數  
萬浚蔡水南入潁川乾德二年二月令陳承昭率丁夫  
數十鑿渠自長社引溪水至京師合閔水溪水本出密  
縣大隗山歷許田會春夏霖雨則泛溢民田至是渠成  
無水患閔河益通漕焉淳化二年詔以溪水泛溢侵許

州民令自長葛縣開小河道分流二十里合于惠民河  
真宗咸平五年七月京師霖雨洧洧壅惠民河溢泛道  
路壞廬舍自朱雀門抵宣化門尤甚知開封府寇準治  
丁岡古河泄導之大中祥符元年正月詔如聞浚蔡河  
召集丁夫其未入役者不給廩食暴露原野朕甚憫焉  
自今令主者餉之寬其程約六月開封言尉氏縣惠民  
河決遣使督視完塞二年四月陳州言州地跨下苦積  
潦歲有水患請自許州長葛縣浚減水河及補棗村舊  
河以入蔡河從之八月選使臣巡轄京索惠民河其殿  
最如黃汴河例以每歲修防不精主者多不經習以致  
決溢害田故也十月御史中丞王嗣宗言許州積水害

民田蓋患民河不謹隄防每決壞即詔遣閘門祇候錢昭厚經度之昭厚請開小潁河分導水勢帝曰是雖泄其上源無乃移患于潁河下流乎昭厚等不能對陳州石保吉復言此河浸廣則陳州為水之衝其害滋甚遂詔白渡發運判官史瑩與京西轉運使逐州官吏按視畎導之瑩請于頓固減水河口改修雙斗門為束水鹿巷以泄其流可減陳潁每歲水患從之九年知許州石普請于大流堰穿渠置二斗門引沙河以漕京師遣使按視又請廢段家鏢移長平鎮于建雄鎮詔問知陳州馮拯言無害乃許農陳興事四月詔遣中使至惠民河規畫置埧予以通舟運天禧三年新堤決壞崇儀副使

巡護史瑩坐護治不謹責為供脩庫副使仁宗天聖二年二月崇儀副使巡護惠民河田承說獻議重修許州合流鎮大流堰斗門初開減水河通漕省迂路五百里詔遣使與承悅同規畫利害以聞四年閏五月都大巡護惠民河田承悅言昨褚河水遂置堰子應接舟舡近西華縣堰子南西堰口板稱異國長公主宅炭舡撞下節級劉榮受錢不曾修補按蔡河斗門上下鑠咸下義聲建雄屬開封府長平西華屬陳州大流三門及都使堰屬許州請自今應有乞覓百錢及擅離地分者所屬斷遣再犯及邀滯損撞乞錢禁錮奏裁使臣不覺察亦治其罪在任三經罰並與降等遠小差遣仍令所在板

榜曉諭從之五年八月都大巡護惠民河王克基言先  
準宣惠民京索河水淺下緣出源西京鄭許州界惠民  
河下合橫溝白鴈溝京索河下合西河湖河雙河樂霸  
河丈八溝名為民間截水蒔稻灌園宜令州縣巡察偷  
畝者捉搦勘罪近巡灤霸河間莊西有掘河一條放水  
種稻田等縣鄭州收捕治罪又巡至谷口復有七巡放  
水灌稻之人即乞嚴斷從之七年王克基言檢會條蔡  
河斗門棧板須依時開閉調停水勢應接綱船不令邀  
滯其使臣如鈐轄齊整不致搔擾得替日批書理為勞  
績與免短使近巡察河見官綱並不計會斗門下棧搬  
水却于河內打軟堰欄河踐踏堤岸隔礙舟運雖行止

絕未有條約今請申明舊條外更下逐處勻調水勢躬親開閉板棧鈴轄邀滯如官中察探得知依法斷遣使臣乞行朝典如無阻滯鈴轄齊整依先降宣命批書理為勞績與免短使其官私舟船湏分兩岸牽駕不得打軟堰如遇水小于逐斗門計會放水遺者送官勘逐從之嘉祐三年正月開京城西島家岡新河以有司言至和中大水入京城請自祥符縣界島家岡生河直城南好草陂不入惠民河分于魯海以紓京城之患也以上會神宗熙寧四年八月二十五日以殿中丞樂換提舉修置惠民河上下壩開三班借職楊玟勾當修置八年六月十六日都水監言汴蔡兩河可就丁字河置埽



通漕從之

詳見汴河門

十月七日詔都水監相度開展惠民

河利害以聞以宋用臣與護惠民河官乞開展河道以便修城也九年七月二十日都水監言看詳提舉修京城所乞引務澤陂水至咸豐門合入京索河及京索河簽入副堤河下合惠民河本監相度于順天門外簽直河身及于染院後簽入護龍河至咸豐門南却及京索河委是為利從之徽宗崇寧元年二月二十三日都水監言惠民河都大提舉趙思復狀惠民河地分見役人兵興修簽河次下硬堰今已畢功欲乞今後遇有盜決堤堰許諸色人等告官仍乞立定支賞錢一百貫文如內有徒中告首之人乞與免罪亦支錢一百貫充賞從

之

與以上

道國

會朝

要會

無要

此

門中

卷五十一

此下兩頁字  
改為正定大  
字以大字改  
為小字注各  
段河渠志下

全唐文

宋史金水河

河渠志金水河一名天源本京水導自滎陽黃堆山其  
源曰祝龍泉太祖建隆二年春命左領軍衛上將軍陳  
承昭率水工鑿渠引水過中牟名曰金水河凡百餘里  
抵都城西架其水橫絕於汴設斗門入浚溝通城濠東  
匯于五大河公私利焉乾德三年又引貫皇城厯後苑  
內庭池沼水皆至焉開寶九年帝步自左掖按地勢命  
水工由承天門鑿渠為大輪激之南注晉王第會要云金水河渠  
其後又  
今入替龍園及公主第因幸真宗大中祥符二年九月  
其第賜宴太宗作詩稱謝詔供備庫使謝德權決金水自天波門並皇城至乾元

金水河渠

門歷天街東轉繚太廟入后廟皆筑以礧壁植以芳木  
車馬所經又累石為間梁作方井官寺民舍皆得汲用  
復東引由城下水甯入於潒京師便之符會元云大中祥  
宗曰昨見八作司奏事言及京城綠街渠水所置井從  
來官收水錢可降詔除任從公私汲取天禧二年八月  
命按視河中丞史瑩言周視之預五十六日水勢時以水淺少  
度畫圖開浚使舟船通濟之急鄭州水止以近便相  
往卒七千望發鄭州丁夫一月畢工詔止以軍士萬人  
給之軍項張榮副之元料底周二大管柳前乞徙河清  
兵士九十六人置之營令巡防斗門河通固檢計河堤  
工料點役兵千餘六十日二年五月崇儀副使史瑩言  
民之類課買金水河槽裏淺離蓮神宗元豐五年金  
水河透水槽阻礙上下汴舟遣宋用臣按視請自板橋  
別為一河引水北入于汴後卒不行乃由副堤河入于

蔡以源流深遠與永安青龍河相合故賜名曰天源先  
是舟至啟槽頗滯舟行既導洛通汴遂自城西趨字坊  
引洛水由成豐門立堤凡三千三十步水遂入禁中而  
槽廢然舊惟供洒掃至徽宗政和間容佐請于七里河  
開月河一道分減此水灌溉內中花竹命宋昇措置導  
引四年十一月畢工續會安云熙寧七年十月二十  
有咸豐門東下至街道司口子並割西度將金水河上  
今後不問河水大小須管依元定尺寸應割內并太廟  
萬壽觀并處供使糾令在籍管元豐五年三月十八日  
彌分利員河案兵糾令在籍管元豐五年三月十八日  
提舉汴河堤岸宋用臣言奉旨金水河自汴水槽阻碍工  
下汴舟今以相度措置已行按視可以自汴河北岸起  
宇坊開河一板橋下水入門內修斗成豐門合金水河將  
金水河自板橋下水入門內修斗成豐門合金水河將  
明池西北三家店溝環入汴河其舊透槽可廢蘇軾之  
拆透槽曰水入汴後有話自汴河河北引洛水禁中以天

源河為名歲宗政和四年十一月十三日詔開天源  
河了當慶寺張珪孫廉路天氏韓述劉圭各轉一官更  
減三年宣和元年六月復命藍從熙孟揆等增隄岸置  
磨坊橋槽壩牌濬澄水導水入內庭池藥既多患水不給  
又于西南水磨引索河一派架以石渠絕汴南北築隄  
導入天源河以助之

全唐文

宋會要 白溝河

白溝河

咸平六年秋自渠溢害民田月之時為度支員外郎遂  
詔往度工役乃自襄邑疏下流以導京城積水即令董  
役成之大中祥符二年八月以京東積水令轉運司分  
視諸州積水及理隄防時使臣自東來詢其事云近河  
窪下處尚有水浸田故詔督之是月詔閤門祇候康宗  
元與中使軍頭各一人領水匠經度京城積水及補塞  
諸河時秋雨金水河防決浸及瓊林苑牆有言汴河南  
有三十六陂古停水之地必有下流以通諸河遂令度  
地畫圖以聞宗元初請廣修近隄復多開斗門設堤壘

遇河汎即自斗門泄之至下流復還河道真宗面諭利  
害曰大築隄防擁束河水下流溢狹為患益深今雖斗  
門減水然而非遠却復河道即其下隘狹之患尚在又  
遣使尋源果金水河新修隄津漏甚猛即督元修官補  
塞帝曰地西積水皆民之腴田昨令使臣徧視皆無以  
疏導獨有留麴河俟汴水減即由此導之麴河者注水  
分之南流蓋李繼源所開以其分水作漲隘故謂之麴  
河三年六月供備庫使謝德權言準詔於太一宮側疏  
導積水今開河抵陳留縣界入亳州渦河望今逐處造  
橋以濟行者仍約束緣河州軍常令導治從之五年  
正月帝謂近臣曰京城開河自來役兵般泥填于街衢



上勢高人戶不便又抵下地近水甚於橋梁損壞所由  
司不時完葺有妨事乘可差皇城副使焦守節與所由  
司經度制置具利害以聞真宗天禧元年八月入內押  
班周懷政言順天門遠門外汴河西積水浸營舍道路  
欲望規度疏入汴詔內侍雷允恭督八作司治之允恭  
等相度順天門遠門積水欲開汴河西第三坐斗門漸  
次通流入汴及於宣武營西南京水河下直透槽透流  
雨水過河南尋河開展舊流水小河透流入新城濠以  
入惠民河又安上門外亦有積水欲於橋河南開舊水  
口放入新城濠內並造小斗門予一並從之三年五月  
以大雨京城積水道清衛都虞候袁俊相度開畎河道

浚太一宮前河及修移水窓以便水勢八月巡護河岸  
史瑩言準詔於京西勸減水河二今已疏通望令祥符  
縣常切提振量留兵卒二百謹守從之四年閏十二月  
詔近京諸州有積水處並遣官開治仁宗天聖二年三  
月內殿崇班閤門祇候張君平言近京諸州古來溝河  
堙塞望差官開濬詔君平往諸州同長吏規度漸次開  
治務為悠久之利因詔開封應天府陳許亳州蔡州  
長更縣令兼開治溝洫事四月詔開封府應食祿官員  
等今後更不得令人下冒網打魚欄截河道妨公私舟  
船往來如違隨處勘逐仍具職位姓名聞奏地分巡河  
人如不止絕亦當嚴斷七月同提典開封府諸縣鎮公

事張君平言府界逐州甚有古溝洫可以疏決望自今  
後逐縣界溝洫河道如令佐能多方設法勸諭部民開  
浚深快值雨別無積潦顯著勞績替日委批厯具狀保  
明聞奏令佐與免選家便注官京朝官家便優與差遣  
知州同判勸課催督亦量勞績旌賞從之十一月張君  
平等言奉詔相度府界南京陳許穎蔡宿亳等處積水  
洧漳民田開畝溝河竊見陳留等縣今歲雨澤調勻尚  
有訴水潦數萬戶蓋溝河埋塞可以畎治竊慮縣有合  
該移川陝遠宦者交替之後不知初檢溝河工料條約  
致部役人夫開浚不能盡料枉勞民力或致霖雨係前  
洧傷田苗乞下審官院勘會府界縣已檢計溝河工料

向去後夫處有知縣合該移者並留在任管勾開治候  
將來別無壅塞淹滯民田即依七月初命施行從之四  
年五月張君平言近自徐州相度公事竊聞知單州高  
弁學畫開治溝河霖雨無淹田其碭山一縣穴下有古  
溝河例各埋填壅積水勢若今佐得人勸誘興工可以  
與民興利其單州知州同判令佐等欲依南京例並帶  
開治溝河有因循曠職者望委長吏體量聞奏選擇對  
換自今差單州知州同判令佐管勾溝洫河道六月應  
天府言本府諸縣有檢計未修溝河伏見開封府界知  
縣為修溝河候三年滿日替移乞依開封府例事下張  
君平等相度君平言南京沃野古溝尤多埋填不治乞

依南京所奏詔應天府亳州係溝河知縣處許滿三年  
得替於合入去處優便差移七月開封府言點檢新舊  
城內東西八作司地分溝渠有八字九口二百五十三  
所多是居人穢惡填塞阻滯水勢乞委廂界巡檢人察  
視不令填塞蓋閘從之六年正月七田員外郎提點開  
封府諸縣鎮事管勾溝洫河道張嵩言準詔府界諸縣  
人夫除差開河及滑州役外有陽武十縣人夫將檢到  
溝河工料分擘開修續準詔減下一半工役緣府界溝  
洫河道並係緊急合行開修如只役本縣人夫拖延歲  
月慮恐百姓有願自辦工力開修者逐縣令佐不能勸  
誘欲令諸縣官屬設法勸誘有願自辦工力開修者聽

元檢工料興修替日批歷理為勞績從之屢歷五年二月提舉在京諸司庫務宋祁等言近差東西八作司監官及開封府士曹參軍張谷等同相度城濠溝河通流積水看詳臂畫事理稍得利便緣京畿濶遠藉溝渠發泄水勢流通方免積聚乞特下開封府施行從之皇祐三年十二月詔開封府諸縣歲差人開濬溝洫頗以為擾自今有堙塞之處聽所在人戶自開濬而官為檢視之嘉祐二年五月十七日詔京城內外溝河令三司委當職官吏躬親巡覲修整開畎須隄岸堅固雨水通快無復阻滯別致疎虞

以上同  
朝會要

神宗熙寧元年三月十三

日都水監言今年畿內諸縣溝河各役人夫開濬十分

纔及二三若次年只留本縣人夫尚須二三年可以訖  
後緣逐縣溝河至多須預委官檢定緊慢的確工料以  
備興工欲乞令府界提點司於三月初選官三員與逐  
縣官同共檢定合開溝河緊慢次第工料據本縣合差  
夫數以五分夫役十分工依年分專委逐縣知縣都押  
開淘仍令提點司遍行點檢從之二年閏十月詔都水  
監差官溝畝開封府界積水填塞道路慮妨百姓輸納  
六年八月十六日詔劉瑄同侯叔獻所謂開白溝河覆  
視以聞後覆視河長八百里工大分為三歲興修從之  
詳見水七年正月二十七日都水監請暫權停修白溝  
河移夫濬自盟河從之初詔白溝河置鋪行運分三年

修而同判都水監侯叔獻以為差夫日逼又見被命提  
舉汴河堤岸打浚未可即往白溝因言自盟河係疏泄  
汴以南民田積水最為大川近歲失于濬導小常為患  
乞輟白溝夫修之故有是詔徽宗政和二年十月四日  
朝請大夫行都水監丞孟昌齡奏承朝旨開淘含暉門  
外白溝河尋就用創修堤岸人兵開淘了當開堰放水  
依舊通流除昌齡乞不推恩外其列官吏諸色人職位  
姓名功力等第詔官屬人吏役兵減半賜錢帛有差三  
年八月十九日尚書虞部員外高拱言提舉措置修治  
都城內外積水所申城東景德寺街午行街一帶地勢  
最下瀦積尤甚去都城內外先求出水所歸之地檢踏



得自募堤橋東南創開導水新河一道於渡口橋決上  
鑿透槽一道其上係東白溝河新置透槽專導都城積  
水今已畢工今于二十日開堰通放深三尺出泄淨盡  
委是利便詔提舉措置官孟昌齡特轉一官仍許轉行  
中散大夫行將作少監

以上續國朝會要

宋會要 月河

淳熙六年三月十九日詔和州將開挑月河日下住罷  
仍令郭剛同淮南轉運司填塞

宋會要 運河

淳熙二年十一月二十二日浚長安至許村一帶運河  
兩浙運副趙礪老言臨安府長安閘至許村巡檢司一  
帶漕河淺澀未嘗開浚除兩岸人戶自出力開濬外勢  
須添人併工開濬約用錢一萬五百餘貫本司管認應  
副外合支米二千三百六十二石五斗乞于朝廷椿管  
米內給降從之七年八月十六日濬沿邊一帶運河詔  
臨安府至鎮江府淺濬濬去處令守臣措置開濬臨安

府于見樁管朝廷會子內支撥二萬貫平江府三萬貫  
秀州常州各二萬貫仍于見管未起發戶部并總領所  
綱運錢內支撥却其所支窠名申朝廷撥還既而兩浙  
轉運司同臨安鎮江平江府常秀州守臣言被旨開濬  
浙西自臨安府至鎮江府沿流一帶運河計一百四十  
里通計一十一萬五千四百一十一丈內二萬二千二  
百一十丈深濬可以通行綱運不須開治外九萬三千  
二百三十三丈合行開濬乞于朝廷樁管錢米內撥付  
逐州使臣故有是詔十一年十二月二日兩浙路轉運  
判官錢沖之言奉詔為臣僚奏請乞開濬常潤等縣運  
河淺澀去處今臣相視聞奏今相度自臨安至鎮江四

郡向米計料日用共六萬餘夫委是大役乞且令諸州  
將運河兩岸支港地勢卑下泄水去處牢固捺成堰埝  
仍申嚴請開啓閉之法淺澀去處令逐州守臣措置隨  
宜開撥務要舟楫通行從之嘉泰元年六月二十三日  
臣僚言鎮江府運河其所濟甚博歲月寢久不加開濬  
目今河道淤塞淺澀為害不小去歲朝廷嘗因淮東帥  
臣有請得旨令淮東總領同鎮江守臣淮東安撫并鎮  
江府都統制先次條具寔用工料數目申尚書省既而  
諸司委官檢視條具甚悉濶狹深淺皆有大尺人工物  
料悉有成數是時偶朝廷多故且使臣往來頻數異于  
常時所以未蒙施行今乞檢照淮東帥臣元奏請及諸

司條具項目行下淮東總領所鎮江都統制司今同心協力豫期措置合用工料錢米遇有幾會可以開濬即行興工一面申奏如此則免至往反待報遷延月日復起噬臍之歎從之嘉定六年十一月二十九日臣僚言國家駐蹕錢塘綱運糧餉仰給諸道所繫不輕水運之程自大江而下至鎮江則入閘經行運河如履平地川廣巨艦直抵都城蓋甚便也比年以來鎮江閘口河道淺塞不復通舟凡有綱運悉自江陰寬轉由五瀉堰以入運河不惟地里迂回程數增多緣自鎮江而下經由地名諫壁包港等處江面渺濶與海接連既無梢泊之所當時水勢洶湧一遇風濤鮮有不遭損壞者夫大

江之與運河餽餉糧道舟楫相通其來久矣今一旦隔  
絕儻不早為之計則土脉日堅一力愈費其勢必至于  
因循緣所淤河岸類為居民侵占一時守臣重于復取  
廢置不誨乞令漕臣同淮東總領及本府守臣公共相  
度計約日用錢米數目措置開浚誠為利便從之

全唐文

宋會要 許浦河

淳熙元年二月十三日浚許浦河詔平江府守臣與許浦駐劄戚世明同措置開濬許浦港限一月訖工次年十月十六日知平江府陳垠言奉旨宣諭開許浦河道更切相度隨宜增展深闊庶可經久今措置增展開掘自地分雉浦至梅里道通橋一帶浦港凡三十八里面六丈五尺止八丈底二丈五尺止三丈五尺復自道通橋至許浦口一十六里浦面濶二十餘丈將南岸泥土增築通行大路面一丈五尺止二丈已皆平坦堅實仍植楊柳一萬株以固岸塹詔本路提刑司覈實以聞

宋會要 呂城河

淳熙五年九月二十四日浚橫林小井犇牛呂城河兩  
浙運副陳峴言常州無錫縣以西地名橫林小井及犇  
牛呂城一帶地高水淺每至夏秋雨澤稍愆河流斷絕  
今乞于十月末農隙之時本司自脩錢糧差委官屬相  
度募工開濬庶甬運不致阻滯從之

宋會要 峴河

治平四年七月二十一日都水監言兩浙相度到潤州  
至常州界開濬運河廢置堰閘乞候今年往運修夾峴  
河道從之

宋會要 鹽河



淳熙五年二月十一日淮東提舉司言禮部郎中鄭僞奏臣前任淮東提舉日當久旱之後盩河淺涸綱運不通商旅承行奉旨開濬河道五百二十餘里並皆深廣比及得兩客舟通行下半年間收赴鹽課比之通年全數尚且過之窺見當時所開之河水道既深則土岸甚浚烈日所暴淫雨所浸歲久必復有堙塞之患與其待埋塞而復開不若時察其淺涸之處即為濬治帖下本路監司逐時檢照措置修治施行從之

宋會要 馬嶺河

淳熙十一年四月十八日浚馬嶺河臣僚言明州象山縣瀕海濬園後來開東西兩河建立堰閘復豐稔今尚

有馬崗舊河堙塞日久乞下浙東嘗平司撥本縣今年  
合發身丁錢委清彊官招募飢民開濬詔令浙東提舉  
常平司相度聞奏既而提舉勾當昌泰之相度委是本  
縣水利合行開墾從之

東南諸水

宋會要奉口河

淳熙十四年七月一日浚奉口河至北新橋臣僚言竊見奉口至北新橋三十六里斷港絕橫莫此為甚臨安衆大之區日用之粟不可億計舟楫不通則須人力計其脚乘之費日應踴貴熙七年亦以久旱守臣

吳湖曾被旨開浚奉河一帶河道七日而役成自奉口  
斗門通放客舡六百餘隻相繼舳舻不絕數直遂平竊  
謂區區目前之策莫急于此從之

宋會要五河

淳熙十年三月二十三日浙西提舉王尚之言秀州華  
亭縣有魚祈塘一道上有四閘堰下通華亭縣界澱山  
湖練湖吳松江太湖亢旱之歲諸湖並無水唯魚祈塘  
向下深處得吾松江太湖相接一方民田賴以灌溉其  
上淺處須合開通湖泖今乞令本州將魚祈塘開濬使  
松江太湖之水相接遇旱即開四閘堰放水入湖泖為  
一縣之利及所開五河雖已深濬而民戶田畝沼流去

霞不多其間有深遠一二十里者全得小港取水灌注  
今大河既深小港仍舊高淺若遇旱歲非唯大河水難  
取苟或得雨則小港內水注入大河存留不佳欲令本  
州候今冬農隙勸諭食利人戶各行開通小港官司量  
給錢米以助其費庶幾有田之家相率協力易成其所  
築堰開合行開通置立斗門之處仍添築堰者乞降指  
揮安本州更行措置使上下皆得通濟從之

宋會要新河

初神宗長惠長淮風濤之險覆溺相繼欲鑿龜山河以  
避之前後臣僚議論不一時同知樞密院事蔣之奇為  
六路制置發運使因獻議請自龜山左肋開新河上流

取淮為源出龜山之下接洪澤其長六十里面濶十五丈深一丈五尺起四州十五縣夫日役千人卒以成大為舟楫之利從之 又淳熙十五年五月八日浚新河口戶部言揚州申泰興縣港新河下口近年以來為渾潮漲塞漸次不通民戶乞自行出脩人未錢米以各戶田土項畝遠近均脩開浚乞下淮東提舉司更切契勘如委是有便于民即從所申施行從之